



KOMUNIKADO DI PRENSA

Willemstad, 29 yüni 2023

TARIFA DI GASOLIN, DIESEL I AWA TA BAHÁ, ELEKTRISIDAT TA KEDA PRAKTIKAMENTE MESKOS

WILLEMSTAD – Entrante djamars 4 di yüli 2023 e tarifa di gasolin i diesel ta baha na Kòrsou. Tambe e tarifa di awa ta baha entrante djasabra 1 di yüli 2023. E tarifa di elektrisidat ta keda práktikamente meskos. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Káalkulo tarifa produktonan kombustibel

E káalkulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa yüli 2023, en prinsipio ta basá riba e reserva di kombustibel disponibel pa final di mei 2023.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferencia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

Entrante 4 di yüli 2023, e komponente di garantia di suministro di kombustibel 1b ta keda reintrodusí parsialmente den e tarifanan di kombustibel debí na terminashon di e prefinansiamentu. Den e proksimó 3 lunanan, e prefinansiamentu lo sigui baha i e komponente aki lo subi durante 3 luna ku 2 sèn mensual pa liter. E bahada di e usuario final di Mogas 95 i Gasoil LSD, ta prinsipalmente resultado di a bahada supstanshal di tantu e preis di kompra komo korekshon den e komponente di surplus i défisit.

Káalkulo tarifa awa i koriente

E káalkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel.



E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes.

Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di yüli 2023. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di mei 2023.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E bahada leve di e tarifanan pa elektrisidat ta resultado di un promedio mas abou di kostonan di kombustibel pa produkshon di elektrisidat, pa motibu di un bahada di preis di kombustibel di MGO den kombinashon ku e produkshon-miksto antisipá (apesar di un entonashon antisipá mas haltu di e instalashon di produkshon GT2 Mundo Nobo mas karu) i un faktor di korekshon mas altu pa e luna di mei 2023. E bahada di tarifanan di awa ta resultado di kostonan di elektrisidat mas abou pa produkshon di awa i un faktor di korekshon mas altu pa luna di mei 2023.

Aprobashon i fihamentu

BT&P ta asesará Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

FIN DI KOMUNIKADO DI PRENSA

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.